

RUTANAN DI PARADA

AWE Y MAÑAN

ORANJESTAD(AAN)—

E ruta di parada di carnaval awe ta lo siguiente.

E parada ta sali for di dilanti di Lago Sport Park y YMCA, y na e skina di Pastoor Hendrikstraat y Weg Seroe Preto e ta bay Zuid pasa dilanti di Suriname Club, sali pabao di Zeemanshuis dilanti di pomp di gasoline di Viana y drenta B.v.d. Veen Zep-penfeldtstraat.

Na Ramiro's e ta bay Nort den Lago Weg, y na e garashi bieuw, e ta bay ariba den Bernhardstraat te na final y ta bay nort den Dr. Scheapmanstraat, na Supermercado di Kong Ming e ta bin abao den Pastoor Hendrikstraat y termina dilanti Lago Sport Park.

Pa mañan e parada ta cumenza na Wilhelmina Stadion, bin abao den Fergussonstraat, bay zuid den

Vondellaan, y na Talk of The Town, e ta bin abao den Lloyd G. Smith Boulevard, pabao di Plaza Supermarket e ta drenta Weststraat y bira bin ariba den Havenstraat, sali na Strada pa bay nort y drenta Nassaustraat. E ta sigui bay ariba te na e luznan

di trafico na Verbindingsweg y ta bira bay zuid y termina den Vondellaan.

Mester adverti cu trafico lo ta sera tur caminda cu e ta dirigi pa e ruta y for di mainta tempran caba lo cumenza cera trafico segun stipulacionnan cu polis a publica algun dia pasa.

Premio di gobierno central

ORANJESTAD(AAN)—

Ayera tardi Ministro di Cultura Sr. Leslie Navarro a pone SAC na altura cu Gobierno Central ta ofrece un trofeo na e grupo mas creativo cu ta duna un reflexion local propio.

Aña pasa tambe Ministro di Cultura a percura pa un trofeo na nomber di Gobierno Central pa carnaval di Aruba.

Pa bini na remarke pa e premio aki, e grupo mester ta refleha "algo tipico" di Aruba, e no mester ta un grupo di luho, pero mas simpel den disfraz, pero e reflexion di locual nan ta representa mester ta bon cla pa tur hende.